

T 3134/2907.83(1)

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 31 1958

樂亭志卷二

序

樂亭縣志缺頁表

原缺

哈佛大學漢和
圖書館珍藏印

茫未治因乎民而民羶乎土
之所奠百姓聚焉政令於是乎
來教化亦於是乎出平間疆域
建置之由山川風物之異官師
吏役農田學校之制人物士女

序

切業懃徽之傳與友一切張弛
因革廢與損益之沿世而遞變
不有以志之則散而無紀略而
不詳雖良有司殫心民事力以
振興脩舉為己任恒苦於進無
考擿退解抄表而有小醇不備

之憾此余於陳君續修樂志之
舉小禁為之愧也陳君為
太常荀涓先生令嗣幸在訓來
宰樂邑能因循而按循之匪
怒伊教民不忍歌習焉安焉藹
乎若家人父子交相愛也既無

不致至情爰遂有修志之役費
給於俸事稽於牒權輿於舊乘
博綜於前史而萃削纂撰一取
宋摺心善其書之疏稿宰憲就
且年年符矣嘗考樂志昉於前
明萬歷年古郇潘公補於天啓

年衛源劉公越百餘年乃續脩
於今日潘公劉公皆當兵戈擾
攘之會刻日來書陳君幸值太
平清晏之時鳴琴多暇而經營
積之數歲即繕校亦近一年似
乎二公為生難而陳君為其易

然潘公有寧生既輯之本劉公
則因潘公已就之書而復有五
生為之屬筆若陳君則舉百條
年遺佚散亂之事爬搜剔括無
隱不報且肩以一身出司一手
又重訂訛補缺多來於業已謬

調之符則二公之難來嘗小易
而陳君之易轉有所甚難今取
其書讀之發凡起例綱領也
援古據今考核詳也羣分類聚
體制明也闡激顯幽表彰勸也
至於鑒民生衣食之艱而強教

悅安之不可以緩則一編之中
三致意焉信乎可以激信傳後
其良法皆其美意為之宜乎樂
之人士願生留恐生去既去而
注來奔候於寧邑者半年来猶
踵相接也君初以循轍題調首

邑近乃格部議將仍回舊治是
則父老借物之請兒童迎假之
情陳君實親見之今而後樂之
人士庶可知也而陳君之所以
嘉惠邦人必且務添加益月異
而歲不同則斯志也且與頌轍

而俱長是為序

皆

乾隆二十年歲次乙亥季秋

賜進士出身知永平府事長白七十

四撰

原序一

邑之有志所從來尚矣諸璣璣毋論其大者如
山川土田城郭溝池之制賦稅職貢出入盈縮
之規與夫食貨兵刑禮樂之式勅守異而風會
見沿革異而經制見文質淳漓異而張弛掃更
機權見凡此非邑所有事乎而信會傳後則賴
之乎志矣若而可以已也今有治生者於此所
居積者若而貨財所蕃育者若而蹄角所勤植
者若而畦畝所駕御驅使以任趨時之役者若

而童僕此其事何如一邑設非有籍焉以紀之
廼其身將安所稽而核其後人又安所徵而信
也而何疑於邑昔孔子嘗志二代之禮而惻惻
然以無徵慨也以此哉樂亭縣志故永之屬也
邑諸如前所稱者率犁犁具而於志獨遺豈其
令是邑者若於蒐輯剏始之難耶抑以其畧固
已籍之乎永志耶然而竟屬之缺典也古鮑潘
君爲令在在有聲而茲治樂亭則凡三治邑矣
余跡其治行不能一一述總之乎承宣德意撫

循元元者靡不監古酌今廢修隆舉且力益有
餘遂謀所以剏邑治之始爰詢諸故老採諸遺
籍不憚矻矻而竟以獨力成之自輿地以至藝
文發凡分彙炳若臚列卽太史執筆班祿佐之
未有以易此者而徵序於余其言曰志重典也
某不自菲薄竊有所志而二三名賢長者胥以
其事鞭策某也某將安諉今幸已粗成不敢謂
文然而二百餘年故實庶幾足徵非向者所足
比矣使君能無意爲令一言以光斯輯也哉余

謂志所重者文與事也文取馴雅事貴核實今
令君兼此二者以修樂亭不朽之業則已事不
忘而可爲後世師寧第毋負二三君子責成意
哉繼潘君而令者將斟酌已事以惠樂亭民
永有賴於是輯也而潘君所遺澤遠矣余故不
敢以不文辭也因推其意而序之如此云昔萬
歷二十一年歲次癸巳秋中朔日總理永平等
處糧儲戶部貴州清吏司郎中晉江陳鳴華撰
原序二

余之爲樂亭志也豈得已哉先是仕洛陽固始
皆中州地文獻足徵惟是樂亭逼隣邊海載籍
獨闕辛卯而後且紛紛多故矣歲壬辰觀察楊
公持憲北平首檄取邑志已媿無以應居無何
郡守馬公會計州縣錢穀徭役損益之數又苦
於無所考余卽至寡昧渺識亦曷能負上意於
是旁搜往牒延訪故老並稽之府州志及參以
青城于君命盧生所輯錄而僭附以己意爲志
上下二卷上之皆得報曰可書成就正部使陳

公且蘄叙其端蓋詳哉其言之矣余復何言哉
夫志從心而志書者又從心而筆之於書以言
垂久遠者也下之心有以異於上之心乎今人
之心有以異於昔人之心乎故曰同民心以出
治道又曰唯君子爲能通天下之志生於其心
害於其政發於其政害於其事弊有不可勝言
者邑自朔設以來若疆域若建置若官師若學
校若財賦人物若禮樂刑政兵馬錢糧之類利
之所在民心欲趨而不能自致害之所在民心

欲避而不能自去其間豐嗇多寡因革興除之
大端又皆民心之所欲覩欲聽而又不能自爲
識憶夫民以其不能致不能去不能識憶者悉
舉而待於上上之人無論不致不去卽致之去
之而不爲志之使寄其識憶於不窮昔以諉之
於今今又以諉之於後卒至於無傳而不足徵
民將何賴焉余之爲此志也誠有不得已者矣
雖然中州之人奢而靡邊海之人愚而悍治奢
靡者在維之以禮治愚悍者余以爲非禮莫範

也譬之禦水而無隄防鮮不潰矣禮民心所自具也以此定民志亦以定邑志掛一漏萬得此失彼余豈敢自昧第曰草創之而已若夫討論修飾潤色則厚有望於同志君子豈萬歷二十一年知樂亭縣事古鮑潘敦復撰

原序三

樂之有志也創於夏津潘公時歲在癸巳公博雅君子摘采侈馥索賸紉僻數百年故實若指諸掌後三十年壬戌予不佞承乏茲邑突已兩

稔而邑之可紀者已犁犁具自維謏劣豈敢妄云殺青竊念潘公若諉之於先則樂無志予更諉之於今則潘公後無志且壬辰癸巳間島夷弄兵樂爲海防要地公於羽檄交馳中擘畫邑志是豈自甘勞怨哉蓋以志與史同從來無不史之國而有不志之邑乎鉅典缺畧責在長令公任事之苦心可謂篤矣顧數傳後駸駸有蒙古在軍之勢予寡昧淺學日臨湯火乘載之筆卽不敢媲美於公而公之美不可引而長乎則

有補之法在本學正貢王生名確然者品高月
旦學博古今言動馴謹掌故熟練絕無世宦虛
僑氣習不佞雅重之因以此托之爰取邑志自
癸巳後分門續入而不佞公餘參閱據事直書
不參已見數日輒竣名之曰樂亭志補付之梓
人用告來者因嘆潘公志成而倭焰愈張予之
補成而寇逼墻下吾兩人者奚止臭味相同而
遭際艱難之同有如此說者謂日月未賒人人
有口補亦何庸正謂人人有口恐未必人人能

識河清難俟感誠可虞大約寓內之志甲子十
周重修者夥矣再三十年是卽其候設有如椽
之筆旁採故實是補也不已過半乎總之不佞
雅重創始而僭爲續貂使後之君子有所憑藉
云爾若竊附前賢覲焉作者之林則予豈敢則
予豈敢哉天啟二年歲次壬戌仲春知樂亭縣
事衛源劉松撰

續纂樂亭縣志目錄

溫陵陳金駿學坡甫輯

卷首

序

輿圖

職方上卷之一

星野

疆域

形勝

凡例

纂校姓氏

星占附

山川

八景附

職方下卷之二

世紀

沿革

建置卷之三

城池

附民堡

鋪舍

橋梁

津渡

官井

公署

附養濟院

冰窖

義塚

枋楔

學校

附學田

鄉飲

鄉約

壇廟

田賦卷之四

戶口

人丁附

地畝

稅糧

經費

附養廉

鹽政

食儲草場附

風土卷之五

里社

附市集

風俗

物產

兵防卷之六

營制

民壯附

海防

海運附

潮期附

官師卷之七

縣職 令尹 知縣

儒學 教諭 訓導

佐雜 丞簿 典史 巡檢

武職 都司 守備

選舉卷之八

薦辟 進士

舉人 貢士 附例貢 例監

武進士 武舉

名宦卷之九

營衛出身 封廕 附

冠帶 附

循卓 廉能

人物卷之十

昔賢 名臣

儒學 孝義

單行 寓賢

藝術 附

樂亭縣志
列女卷之十一

貞節

闡範

雜紀卷之十二

古蹟

機祥

別錄

叢談

觀寺

方外

藝文上卷之十三

宸章

奏議

議辯

序文
附

藝文下卷之十四

撰述

詩賦

樂亭縣志目錄終

樂亭縣志

目錄

凡例十則

一原始

事本乎心新仍乎舊駿少隨宦古鄴見 家君

首以纂修邑乘為務紀事立言各有條理嘗詔

駿曰邑之有志出治之權衡也異日倘有民社

之責其留意焉駿謹識之不敢忘蓋樂亭修志

之舉實胚胎於是矣既宰茲土披檢原志創者

潘公補者劉公歷今已百餘載任其闕畧久益

難稽乃即廣為搜輯續成是書雖舊貫之仍十

此例

不三四而先路之導實所取資庶幾後之視今亦猶今之視昔耳

一紀

恩

食土之毛則生成教養賜出

一人屬在草茅不可忘尊

君親

止之誼洪惟我

朝

聖聖相承治隆前古所以予惠元元者莫不周摯况直

隸為首善區樂亭係股肱近邑觀光被愷尤有

最為親切者倘不為之宣布

德意昭示來茲臣子罪莫大焉謹考

國家定鼎以來

湛恩汪濊不能悉數其彰彰在人耳目如條漕正供

屢議寬減戶口滋益永不加賦工作給值僱募

巡幸諸費俱准報銷絲毫不以累民外官常俸外厚

給養廉以清貪墨之源郡縣設學外特建書院

以端教化之本民隱則無微不達節孝則雖陋
必揚偶值偏災蠲賑立沛一切海塘河堤關係
民生者不惜數百萬帑金上緊修築至於大小
相維文武協濟奠

宗社於苞桑磐石之安編氓自祖父以及孫曾俱老
死不見兵革永享太平清宴之福此更依古以
來所僅見者也茲編於事之分見者旣一一恭
紀其盛而

深仁厚澤之盎然流溢於綸綍間者復揭而弁諸藝

文之首俾士民皆知所愛戴云

一提要

萬物本乎天成乎地而經綸參贊者人也不審
乎觀察之幾不燭乎古今之變而欲同民出治
得時措之宜勢必不能樂邑雖小邑志雖微而
三才之道備焉其可忽諸是故首明分野觀天
文也次正疆域察地理也而卽繼之以世紀沿
革此則人事之大者綜而核之而得失之林釐
然可考矣紀事提要茲其先務云

一分部

振裘者必挈其領屬綱者必提其綱綱領既得
然後條目有所系焉是故以職方爲綱而分野
疆域山川形勝世紀沿革皆其目也以建置爲
綱而城池官署學宮壇廟皆其目也以賦役爲
綱而戶口田土額徵經費鹽法皆其目也以風
土爲綱而風俗物產屯社市集橋渡皆其目也
以官師爲綱而縣令師儒佐雜營員皆其目也
以選舉爲綱而辟舉進士舉人貢薦皆其目也

以兵防爲綱而營制汛守海防皆其目也以名
宦爲綱而循卓廉能皆其目也以人物爲綱而
先哲名臣儒林孝義卓行皆其目也以列女爲
綱而貞節壺範皆其目也以雜記爲綱而古蹟
機祥軼事叢談寺觀方外皆其目也以藝文爲
綱而

宸章奏疏譔述詞翰皆其目也統之有宗而不患其
混而無別分之有部而不虞其散而難稽庶編
次整齊而檢閱尤爲便易云

一附見

比事屬辭春秋教也故事從其同則以類編纂
事從其異則分門別見此定式也亦有事本不
同而義則相近欲另立條件則他無所系屬欲
強爲比合則又有難以統同者於是因其類似
而通以附見之例如星占非分野而義屬天文
八景非形勝而與山川相麗街衢布於城郭之
內坊表峙於街衢之中學田由學校而興學租
本學田所出有財賦斯有倉儲而建倉積穀捐

輸則又因倉儲而連類及之者也海運海
兵防無涉但海防有汎漕艘可通巡哨外洋必
稽潮汐贅而誌之誰曰不宜入賞納粟無關科
甲而亦進身之階錫膺褒封由仕宦而得推恩
之典冠帶榮身事極眇矣然亦皆恩命之類也
武勲可與名宦而俱傳流寓可因邑賢而並及
醫卜雖云小道要亦綽有所長人物旣章此其
流裔過墓生哀足供憑弔有不可謂之古蹟者
卽有可漸成古蹟者凡諸條件義同旒贅例非

駢枝固可兼收類見以盡紀事之長

一別嫌

可附則附以事相類也寺觀之與祠廟方外之與方伎非類與何以不附見也曰爲其類而不類也彼二氏之淫名誕號遠遜於岳瀆正神而習俗靡然至於人人著信更有緇黃者流入主出奴豨張其說不爲別白豈徒朱紫混淆且將視崇奉爲分所應得則何以正人心而維風俗乎夫祠廟之列祀典因功德在人不敢忘也方

伎之附於人物亦民生日用之所需也老佛僧道有功乎否乎在所需乎否乎問其名則是考其實則非逞不根之浮談爲兩間之大耗縱未能人其人而廬其居庶稍存辭而闢之之意而已矣

一順序

事必順其序而後次第井然無凌節躐等之患首之以職方則仰觀俯察考古證今已得其概於是辨方正位相陰陽而協厥居治民事神有

其所則建置次之體國經野則壤成賦以樽節
愛養之道裕民生日用之資則賦役次之古者
命太史陳詩以觀民風命市納賈以觀民之好
惡實寓教誨整齊之意則風物次之天保治內
采薇治外張弛不可偏廢則兵防次之凡此皆
教養保衛斯民之術也而藉以教養保衛斯民
者存乎其人則官師次之治有成效因實興其
賢者能者則選舉次之有官師而誰嗣之歌去
思之頌興焉有選舉而百世之師一鄉之望見

焉若夫男正位乎外者女卽正位乎內是固所
以代終而樹闡範者也則名宦次之人物次之
列女又次之至是而正編備矣又當旁稽博考
凡不得與正編相混而又爲邑乘所不可缺者
爰列雜紀一綱蓋纂言紀事旣等諸稗官野史
之流而探蹟索微亦例諸間色餘分之列庶乎
大小各有所識而體例益爲詳明矣抑又有說
焉左史記事右史記言相需而並傳也藝文其
可畧乎故以是要全書之成至於冠之以圖序

終之以助梓姓名或開其先或殿其後亦事勢所宜云

一明體

五官四肢合而成體駢拇枝指卽非完人籛條戚施遂爲殘疾體之不可不正也明矣舊志以節烈爲列女則名不正以列女爲人物則類不分名宦不過廿人而目分六項未免有牽合支離之病凡此皆不得不釐定者至若史記有世家一編所載者吳魯齊晉諸邦及西京王侯也

非王侯而見於世家者孔子陳涉二人識者猶議其不類故前後漢書以還遂絕無此名目樂邑薦紳旣非江東王謝河北崔盧乃欲與腐史三十家相比方乎爰更而正之總之前事可師不妨仍舊如有未協膠柱何爲或革或因凡以明體云爾

一彰善

春秋之義善善長惡惡短志雖與史相表裏而指趣較異史以褒貶寓勸戒故美惡並書志則

徵文獻昭法守一於彰善而已然而彰善實難
蓋實勝者不務名而闡修者多自晦故前賢芳
躅半埋沒於衡門空谷之中而庶婦貞操更隱
約於蔀屋茅簷之內非有心者遠蒐博采稽之
簡牒參之輿論隨所聞見而備爲輯錄將邑以
志傳者不且人以志而掩哉余甫事纂修卽以
表章爲急務事必求其有據而人惟恐其或遺
於前志所有者仍之所闕者補之已入祀典與
有詳載之卽或警宗俎豆俟論定於他年華表

悉綸未均沾於往日而秉爨之好不約而同學校之
評衆口如一則亦核實登志以發幽光而示風
勵至若邑治未建之前名人哲士鍾毓於灤濱
燕碣間者亦間採數人以爲人物之啟明蓋取
其理之可信而非敢借材異地以爲榮

一觀成

凡修志者必設局延聘耆宿樂邑褊小不能辦
也而茲役又不可以已爰就署內掃除一室爲
修志之所購史鑑地輿一統志等書實其中經

緯權輿於是乎在而畿輔通志永平郡志及潘
劉二公舊志則藍本也其他志乘佳本亦訪覓
取材然後考之賦役全書憲綱須知等冊稽察
積年案牘抄錄官署儒學祠廟寺觀碑銘鐫刻
參互考訂以核其實體例綱目取成於心於是
車中馬上構思會也巡行勸課採訪地也冠裳
之往來里甲之會集皆諮謀商確時也至於士
行壺範未題報而應表章者則以學校中公詞
爲憑而復參之以輿論懼其遺且濫也雖然千

金之裘非一狐之腋九層之臺非一木之材余
何人斯敢謂盡出己裁無煩將伯乎蓋家弟金
鸞適自里中來力任勾稽之事而黃孝廉份時
上下其議論迨兩人皆以赴禮闈去則昌黎選
拔貢生高履豫家叔奕芳胞弟金宣亦與編纂
嗣余調宰盧龍攜是編質之書院掌教國子先
生夏君宗瀾復加是正而同心協助皆儒學縣
尉及邑中知名紳袍之力也書成博士弟子王
廷栢童生汪浩繕校數過

晉江陳金駿識


樂亭志圖說

志必首列圖者取古人左圖右書之意考周禮大司徒以天下土地之圖周知地域廣輪之數辨其山林川澤邱陵墳衍原隰之名物則輿圖尚矣蓋疆域情形得之記載者繁而難稽得之目覩者簡而易悉繪圖簡端則一邑之地理開卷瞭然如指諸掌閱者不下堂階而燭照數記固已得其要領否則終日指顧尺幅而條理茫然矣若夫覽山川而思紘奠矚封守而切周防

又在乎司牧者神而明之易曰河出圖聖人則
之皮字之祖厥惟舊哉

樂亭縣全圖






北草場

福嚴寺

教院

城隍廟

南草場




火神廟



都司署

文廟 儒學 照治 典史衙

堂

奎星樓





樂亭縣志卷之一

溫陵陳金駿學坡甫輯

職方上

古人立法剗制必擅仰觀俯察之能盡遠稽近考之識權衡折衷要諸至當然後可以信今而垂後志之在一邑雖屬蕞爾而推而廣之卽寰宇之規模引而長之卽史鑑之體例其可忽乎故於編首先明分野考天文也次紀疆域山川悉地理也若夫彰往可以察來變通於以盡利

哈佛大學漢和
圖書館珍藏印

世紀沿革又人事之大者以次編列而三才之道備矣其統之以職方者志本爲輿地而設旣於職方事有專屬且疆度爲肇州建國之本歷代帝王因時定制皆所以敷土而相協厥居也舍職方則散而無紀矣誌職方分上下二卷其目六

星野附

星占

疆

山川

形勝

八景附

星野

在天爲辰在地爲野野與辰相係屬成象成形之大較也周禮保章氏以星土辨九州之地所封封域皆有分星蓋官世其業者之也詳後世失傳堪輿家乃妄爲臆度惟我

朝歷象考成推步精核卽各州中之郡國其分入

之度亦有可稽者焉鄭康成所謂其書亡者不
且至今存哉爰引歷代所沿之說相折中焉
史記天官書尾箕幽州正義云尾箕燕之分野
為幽州

春秋元命苞箕星散為幽州分為燕國

鄭元周禮注析木燕也總義云析木燕之分星
幽州之星土也

爾雅析木謂之津箕斗之間漢津也孫炎註析
別水木以箕斗之間是天漢之津也

漢書地理志自危四度至斗六度謂之析木之
次燕之分也

皇甫謐帝王世紀自尾十度至斗七度自三十
五分而終曰析木之次於辰在寅謂之攝提格
於律為應鐘斗建在亥今燕分野後漢書郡國
志引以為註

晉書天文志自尾十度至南斗十一度為析木
於辰在寅燕之分野屬幽州又云天漢起東方
經尾箕之間謂之漢津

陳卓謂尾箕幽燕也自尾十至南斗十一費直

起尾九蔡邕起尾四亦見晉書

隋書與晉書同但不屬天文而屬地理志

新唐書天文志尾箕析木津也初尾七度中箕

五度終南斗八度

遼史地理志南京析津府本薊開泰元年更名

以燕分野旅寅為析木之津國語解野旅寅野

謂星野旅謂躔次寅者辰舍東北之位

元史律歷志尾三度一分一十五秒入析木之

次辰在寅

明史天文志尾二度至斗二度析木之次也

已上諸說皆周官所謂以星土辨九州之地所封也但諸說不無互異元命苞言箕不及尾史記言尾箕不及斗漢書則度起於危晉隋以後諸書則度起于尾紛紛不一良由歷法屢有變更固應備列以俟考

晉書天文志范蠡鬼谷先生張良諸葛亮譙周

京房張衡並云尾箕幽燕州上谷入尾一度漁

陽入尾三度右北平入尾七度西河上郡地北

遼西東入尾十度涿州入尾十六度渤海入箕

一度樂浪入箕三度玄菟入箕六度廣陽入箕

九度 按其時地屬漁陽

新唐書天文志李淳風謨法象志因漢書十二次度數始以唐之州縣配焉僧一行謂自渤海九河之北得漢河間涿郡廣陽及上谷漁陽右北平遼西遼東樂浪玄菟古北燕孤竹無終九夷之國尾得雲漢之末派龜魚麗焉當九河之下流濱于渤海皆北紀之所窮也

明史天文志北平之北平府尾箕分涿通薊三

州皆尾分霸州保定府皆尾箕分易安二州皆尾分河間府景州皆尾箕分永平府尾分灤州

尾箕分

已上諸條皆周官所謂所封之域各有分星者也分野者因天之所躔其規一定分星者因地之所入於星亦有分焉不可泥也晉書先載分野於前又載州郡之躔度於後最為詳備嗣是愈推愈密至我朝以七政本輪與各地平經緯交算即得各界之地與所入之星尤可謂立法至精有條不紊者固當奉為南車之指而不可自同于扣槃捫籥之愚

星占附

史記玉衡第八星主幽州常以五寅日候之
星經辰星主幽州 尚書考靈曜云辰星水精
也

漢書天文志燕齊之疆候辰星占虛危 又云
壬燕趙亥燕代

唐書天文志大梁析木以負北海其神主於恒
山辰星位焉

大象列星圖北斗七星是謂帝車運乎中央而
臨制四方六日開陽亦曰應星主木主燕

宋史天文志楚南一星曰燕有變動以其國占
之

宋兩朝天文志天市垣二十二星東西各列十
一星其東垣南第三星曰燕

後漢書天文志元興元年閏七月流星起斗東
北行至須女須女燕地天市其年遼東貊人反
發上谷漁陽右北平遼西烏桓討之

後漢書五行志建武十二年正月己未小星流
百枚以上或西北或正北或東北二夜止六月

樂亭縣志 卷之二
戊戌晨小流星百枚以上四面行小星者庶民之類流行者移徙之象也後三年吳漢馬武徙雁門代郡上谷關西縣吏民六萬餘口置常關居庸關以東以避寇

文獻通考景初元年十月壬申太白晝見在尾歷二百餘日占曰尾為燕有兵時公孫淵自立為燕王置百官發兵拒守宣帝討滅之

晉書天文志晉惠帝永興元年七月庚申太白犯角亢經房心歷尾箕是年九月王浚殺幽州

刺史

穆帝永和八年六月辛未日未入有流星大如三斗魁從辰巳上東南行推之在箕斗之間燕分也占為營首營首之下流血滂沱是後慕容儁僭稱大燕攻伐無已

禮經會元景星見箕尾而慕容德復燕此分野之驗也

隋書天文志建德六年十月丁卯夜白虹見長十餘丈頭在南尾入紫宮中明年正月平齊與

齊軍大戰

唐書天文志開成三年十一月乙卯有彗星於東方在尾箕東西亘天十二月壬辰不見

天寶九年八月五星聚於尾箕熒惑先至而又先去尾箕燕分也是時安史作亂漁陽

大歷二年九月乙丑晝有星如一斗器色黃有尾長六丈餘出南方沒於東北於中國則幽州分也

開成四年正月丁巳熒惑太白辰星聚於南斗

推歷度在燕分占曰內外兵喪

按灤樂屬燕析木似矣而唐志以尾七度入遼西由是而推大槩在尾或謂星有九三日天狗四曰天風說者曰灤樂在天狗天風之間似無所據或曰太白犯尾淵壽並起妖入天風唐與逆誅若然則吉凶休祲可盡委之天數耶

疆域

古者建邦國造都鄙制其地域而溝封之疆域之由來舊矣大者如兗之濟河青之海岱固所以敷土而奠山川小者如遂上有徑溝上有畛亦所以辨方而正經界至近日郡縣之置其疆

域毘連隣境尤有壤相錯而牙相入者苟不清其四至則越畔固可嚙齶脫將誰問邪樂治不踰百里稠居實已林林但沙地多風霾窪地多滯浸是在保障者加意焉

縣治在永平府南迤東一百二十里東西廣五十五里南北袤七十五里沿海共廣一百一十里

東至黃瓜堡交昌黎縣界三十里抵昌黎縣治八十里按府志載交昌黎縣界三十五里

西至高閣庄交灤州界三十里按府志載西至莊坨莊交灤州

南至海四十五里按府志載南至海六十里

北至姚家新庄即老茶棚菴交昌黎縣界三十里暨有界碑抵府治一百二十里

東南至沙崖莊交昌黎縣界四十里抵海岸四十五里

東北至哼囉坨一作博落交昌黎縣界一十三里按

隆三年山海衛改設臨榆縣撥歸衛地十八庄隸于本縣在縣東北實錯處于昌屬之中不可

以分界畫限
詳見里社篇

抵山海關二百里至

盛京一千里

西南至新寨艾太莊交灤州界三十里抵海岸
四十五里

西北至沙鋪交灤州界三十里抵灤州治七十
里抵保定府省會八百里抵

京師五百里

舊志載東西北抵界官道三條俱濶三丈五尺

傍有濠塹雜植樹木或橫斜岔徑無稅無糧者
並係官道今歷有年亦不能悉如舊云

山川

禹貢導山導水其在北條者一則自岍岐至於
碣石一則自積石至於海史記天官書亦曰海
內山川東北流其維首在隴蜀尾終於渤碣然
則茲土固北界山河所統會也古者建國邑必
限以山川大易亦有地險山川邱陵之訓蓋財
用於是乎出民亦依之以為固非細故也邑濱

溟海灤清諸河亦稱巨浸則川可謂雄於北界矣若山固無有也無山而係以山者良以天馬驪成列翠環拱儼然邑之屏障而祥雲諸島石曰諸坨林立海濱亦邱陵之比也又烏可以不誌

灤古作濡河 源出宣化府西炭山東北流逕雲

州堡北又東北逕故桓州南入上都境土人謂

之商都水明李實北使錄曰灤水濶不盈丈而中甚深其色青黑土人呼為商都水

按商都即上都音訛耳折而南逕古北口邊外小興州東

又東流為九流河柳河水注之柳河即遼史所云自松亭趨柳

河者在遵化州口外又東流都山以西寬河水注之寬河一名

豹河產金沙流百里入灤都山在遷安縣北百里元史亦謂之烏都山又東南逕

潘家口鐵門關水注之鐵門關水源自鐵門關口入故謂之鐵

門關水又西出喜峯口而入於灤又東由遵化州東北團亭塞

入內地又東南逕桃源庄與澈河合澈河源出

井關入遷安縣西漢又東至中峯山與恒河合

兒庄東南注灤河恒河亦曰橫河在遷安縣西北一百里源出

山之北經三屯城北而東合山谷諸水過中峯又東過唐山與長河合長河在遷安縣

出口外流入董家口關東逕青山營
又逕太平寨西過稔子口合於灤
又東至官

寨與清河合按清河非境內之青即水經注所

有二源至城子嶺合流而入口逕太平寨合蛤

螺河蛤螺河即口外之乾河川亦由城子嶺而

東與清河合流過長又東過黃臺山距遷安縣

峯嶺至官寨下入灤孤山麓南至盧溝堡注灤俗謂

三里納要孤水水源出遷安縣北小寨南逕要

之三灤至是勢愈盛每夏秋水漲波濤澎湃渺

若江湖矣又南逕府城西至虎頭石與漆河合

漆河在盧龍縣西門外源出口外十八盤北土

人亦呼為烏填河入桃林關鹿尾山諸流會之

又南逕燕河營合青龍河又南入灤州界與橫

經盧龍縣西南與灤合

河合橫河在灤州北七里源出盧龍縣獨子山

南逕橫山營又東至泡皮淀經榆山後至

偏涼汀合於灤即古瓠溝水也水經注又南逕

云瓠溝水出孤竹城東南東注濡水

巖山石橋與別故河合別故河在灤州西南其

西堰名為別故河經又南五十里至岳婆沙港

入縣界分為二東水支出曰葫蘆河在縣北三

十里由東灤河入海今西曰淀一作流河由縣

西南至清河口入海知縣陳金駿詳文查本縣

東岸自姚家新庄始抵沙鋪五里河身廣二十
餘丈深丈餘自沙鋪至西岸汀流河六里河身
廣三十餘丈深丈餘西岸自汀流河與灤州交
界起抵石各庄三里自石各庄至賈各庄四里

河身廣五六丈深一二丈不等內有沙灘一
面寬三四尺深二三尺不等勢漫小船可行自
賈各庄至新立庄六里河身廣三四丈深七
八尺不等自新立庄至小聖廟三里河身廣一
二十丈深六七尺不等小聖廟至邊流河八里
河較寬船由西行自邊流河至馬家渡口六里
河身廣五六十丈深二三丈不等自馬家渡口
至嵩林渡口六里河身廣四五丈深四五丈
不等以上河身俱係沙底自嵩林渡口至老河
口七里河身廣八九丈深七八尺不等係泥
底自老河口至墊子渡口十里河身廣五六
丈深八九尺不等自墊子渡口至常家渡口六
里河身廣二三丈深八九尺不等自常家渡
口至小河沿七里河身廣五六丈深七八尺
不等內有土坎二道小船可行水陡流自小河
沿至石家坨十里河身廣四五丈深丈餘自石
家坨至馬頭營三里河身廣二十餘丈深二丈

餘自馬頭營至清河口入海二十五里河身廣
十餘丈深一二丈不等以上河身仍係沙底統
計東岸自姚家新庄起至清河口凡一百一十
六里西岸自汀流河起至清河口凡一百五里

按灤水卽古濡水師古漢書注濡乃官切是也

水經注云濡水逕令支故城東自孤竹城東南

逕主鄉北又逕牧城南分二水北水枝出世謂

之小濡水東逕樂安亭北東南入海濡水東南

流逕樂安亭南東與新河故瀆合又東南至絜

縣碣石山南入海樂安亭卽令縣治據水經注

所云是縣北之葫蘆河縣東之東灤河蓋從古

以來灤河故道也

濬樂亭水利議見藝文志

青亦作清河源出灤州西五子山東五里有大

泉騰沸流逕州南八里曰八里河又經料馬臺

至邱官營伏入地中俗名地橋又東南二里逕

閻家庄復現為龍溪亂泉突湧分為二派東派

出南開頭東南行至小營兒入縣境又九里至

小河沿合灤河入海舊志云水濶僅二丈許涓

涓蜿蜒抵於海不涸不塌俗呼曰清河知縣陳金駿詳

文查本縣清河歸灤河入海里數自灤州小營兒起至畧軍屯三里河身廣丈餘深二三尺不

等自畧軍屯至撒布店二里河身廣丈餘深二三尺不等自撒布店至流水庄一里河身廣丈

餘深二三尺不等自流水庄至小河沿三里歸

灤河河身廣丈餘深一二尺不等合計共九里

河壅難行其西派由龍臺寺西南經破橋合沂河古

懂河西南至蠶河口入海在灤境者不錄按康熙五

十一年知府張朝琮府志於公安橋下載又十

八里至石臼坨又東五里至馬頭營又南二十

里至綠洋溝入海則西派入海亦在境內與今少異云

按水經注云清水出海陽縣東南流逕海陽城

東又南十里許西入九過注海當屬今龍臺南

出之派也然已足見魏海陽非漢海陽矣詳具

沿革編畿輔志云秦漢以來此為漕運故道開
迹尚存亦未可信蓋邑之通漕始於元人海運
固由灤不由清也秦漢漕運與此更無涉

溟海 在縣南四十五里東接昌黎西抵灤州

延廣一百一十里有島三日祥雲島朝光烘日常有雲彩

曰李家島祥雲島西舊李家島西地多樹桑

故有坨二日月坨縣西南海中形如半月故云地廣十餘項草木繁植雜兔

取利焉曰石白坨在月坨西廣數十項相傳以爲古時漕運至此居民市店

也 有店二曰曹北店在海中曰曹母店濟民場西

元海運時有洋一曰綠洋海水青黑綠洋橫亘故跡猶存邑人呼為洋拖綠帶

按邑之海口關係最重前人所為籌畫者亦備

極詳悉然山川勝概雜以經濟名言殊覺不稱

今海防海運另錄於後云

諸支河 灤支流曰戴家河俗名代家河賈家

河縣西南杜家河縣東十里苑家河縣西南董家

河縣西南三岔口河縣西南東灤河支流曰沙

城社河縣東北龐家河縣東北中淀河縣東

葦菜河 縣東南三十五里 清河支流曰介馬河 縣西北二十七

里 狼河 縣西八里 新寨河 縣西南二十五里 海支港曰于家

河 縣東南二十五里 湯家河 縣東南二十五里 國子河 縣西南十五里

高密河 一作高廉河 縣西南三十八里

按以上各河俱係小溝夏秋水盛乃通河身寬

者不過尋丈狹則止數尺耳

灣 蕭家灣 縣北四里 栗家灣 縣南八里 邑人陳性

八里許舊有栗家灣頭地靈人傑賢豪問出沿

村瀑湓滿地荷花達人遊士時玩賞焉誠縣治

最勝景也村西建有木橋歷年久遠漸就頽圯

行者病之里有培菴李翁目觀心傷布金買石

數百丈意欲以石易木為長久之計善念未遂

遽爾仙遊其子成初輩善繼先志於康熙戊午

孟夏日鳩工庀材營繕石橋不日告成里人樂

其便也莫不頌培翁之德而歌成初之功于弗

衰蓋其發願在一時而利濟在奕禩也余祖坵

逼近仁里親炙盛舉故樂得而記之以永垂不

朽云時康熙十七年四月日也

西溝港 縣東南十五里四圍皆 水中高阜秀麗可掬

坨 黃坨 縣西南三十里 茅坨 縣南三十里 黃家坨 縣西南二十里

明福坨 縣西北十里 舊鎮坨 縣東北三里 葫蘆坨 縣北五里 景家坨 縣北五里

按北方坨地涸瀦不常自規利者不知大體有

蛇澗卽以成田由是陵谷變遷不可復識矣至若月坨石臼坨在海中者應附海云

形勝

疆城旣分山川襟帶則形勝存焉此固因任自然有不待強爲附會者矧樂邑爲衆水朝宗之地東西二京歷稱都會者乎爰並誌之而附以八景

史記天官書海內山川東北流其維首在隴蜀尾終於渤碣又平準書燕亦渤碣之間一都會

也南通齊趙東北邊上谷至遼東北隣烏桓夫餘東結穢貊朝鮮諸番之利

漢書薊南通齊趙渤碣之間一都會也

後諸史畧同

太平寰宇記箕星散爲幽州分爲燕國南通齊趙爲一大都會

永平府志背繞羣山面臨滄海左望碣石右帶灤河灤州志地勢原衍胎甲隱窪迴卸委折二河夾送俯臨綠洋絕島隄洲平疇沃埜鄰邑稱美焉

舊志後背羣山前阻大海可謂冀北之神臯燕

東之天府又云東拱

盛京西朝

魏闕南瞻海岱北接平灤

附八景

島靄祥雲 島在海岸常有彩雲

坨呈半月 坨在海內形如半月

灤江春漲 灤水初泮平平耳春深塞北山岸冰解流入倏忽水漲俗謂桃花水

海閣朝暉 卽元武閣一名拱正閣海曙初開日色先見

蓮塘瑞藕 縣北里許講武堂後有方塘層臺俯窺高崗外環蓮藕生香清氣逼人

古店甘泉 海水鹹苦漕北店在海中井獨甘冽漁人多泊舟飲焉

洋拖綠帶 海水青黑有綠洋溝亘其中澄綠宛入長帶漁樵于洋嶼者俱畏其險

波漾長橋 灤河水色青碧入海五十里不濁若長橋跨乎海中漁人深入者取飲焉

樂亭縣志卷之二

職方下

世紀

沿革

世紀

志者外史也不論世則無徵爰考歷朝正史列
世紀一編蓋史以志爲緯而志復以史爲經互
爲體用也夫邊防阻隘郭造卿著燕史之書幽
冀混淆顧炎武創北平之紀皆所以經世而彰

信也覽是編者前事釐然可爲法戒而豫備周防之道亦知所鏡焉郭顧兩公必有取爾

唐虞

堯都冀州命禹治水任土作貢島夷皮服夾右碣石入於河

按碣石之說傳者不一晉魏以土史記漢書水經注皆云在右北平驪成縣遼西秦縣則疑邑東南接昌黎境者也夫九河故道在天津河間間島夷南向西行邑之沿海皆出其右顧與古

時貢道合自近世以海豐馬谷山爲碣石前說都廢然試考之馬谷在老黃河之南島夷西行是夾其左非夾其右矣終於經義少覺未安至安溪李文貞公則疑夾右爲陝右之誤以爲或自西河而入或自東河而入皆可達京師也胡渭禹貢錐指歷考史傳水經斷從淪入海中之說尤有原據夫當衆論紛紜之會生千載後者旣不能確有所見以折羣言毋寧並存以備參考因仍從府志收之而附其說於此

舜肇十有二州分冀州自衛水以北爲并州醫
無間之地爲幽州碣石以東接青州之北爲營
州

按幽并營三州疆土分并自昔互淆據蔡氏書
傳分青州之北爲營州則是地宜屬營而幽冀
不與焉故分爲營州合仍爲青州漢孔安國曰
堯時青州當越海而有遼東京相璠曰齊桓公
四履北至於無棣無棣在遼西孤竹是也然則
幽在冀之東北營在青之東北古時之說如此

無可疑者自魏以後郡邑建置遷徙不一故有
名是而實非者慕容燕建都營州在今關外五
百餘里而幽州反處其南由是能讀九邱之書
者鮮矣劉三吾書傳謂孔氏以遼東屬青州隔
越巨海道里殊遠非所謂因高山大川以爲限
之意宋歐陽忞輿地廣記元脫脫遼史皆如此
說不知海自天津北出至榆關以東旋繞而南
東連朝鮮地勢迴抱中間一瀦耳非如絕島以
外望洋而嘆也今吳地震澤荆楚長江皆連跨

數邑左右毘連何獨於古以為不可凡今之人以幽并營三州皆冀之分顧寧人說亦如此而謂營在冀北者此以三代以後之營州而解三代以上之營州其說左矣

三代 秦附

商湯十有八祀三月索隱作正月王至東郊立聖賢

古有功者之後封孤竹等國各有差史記殷之末年孤竹

君二子伯夷叔齊遜國而逃武王克殷伯夷叔齊餓死首陽山之下 孟子伯夷避紂居北海

濱之

按孤竹始封年代既遠其詳莫考說者以為令

支黃洛之間即今之盧龍遷安者是然國語載

齊桓公北伐山戎荆令支斬孤竹而南歸是令

支在山戎之南孤竹又在令支之南也韓非子

載齊桓公北伐山戎至孤竹迷失道管子曰老

馬之智可用也乃因老馬得道而歸是孤竹為

青齊北伐之道濱海之區荒莽之地也且邑為

孤竹故墟舊說相沿既久而水經注史記正義

所引互有異同今姑依舊志載之

周武王十有三年封召公奭於燕東北邊上谷

至於遼東

按史記正義召公始封蓋在北平無終縣以燕山為名後漸強盛乃併薊

徙居之是

茲地皆其境內也

履北至於

無棣京相璠曰無棣在遼西孤竹地亦當附載

以備參考

惠王十有三年冬齊桓公北伐山戎刺令支斬孤竹而南歸

按史記載山戎伐燕告急於齊桓公北伐山戎走水經注載

桓公北伐山戎過孤竹西征東馬懸車上罕耳之西極此二條足錄至若管子所載俞兒之事近惟應附

於雜錄中

按孤竹自二子沒後傳國久遠不見經傳若國

語以刺令支斬孤竹為言應指其地非指其國

也且遼西一隅燕齊交錯山戎又據其北倘孤

竹以數十里之地掣肘其間亦危如累卵矣安

能旦夕居耶乃舊志於沿革篇云周仍為孤竹

國似屬無據

景王九年齊景公伐燕納簡公不克盟於濡上

而還

按濡乃官切即灤也有白檀之濡肥如之濡一也杜註應誤

十五年晉滅肥肥子奔燕

漢書應劭註燕封之於遼西

赧王三十一年燕上將軍樂毅破齊遣左軍渡

膠東東萊前軍循太山東至海畧琅琊後軍旁

北海而撫千乘按千乘今青州地邑南面海與青相對漢時為樂安縣

七國時時周已滅燕孝王十一年燕築長城自造陽至襄平

置之按史記有遼西郡綱目無

之

秦始皇二十一年秦拔薊燕王走遼東後五年王賁滅

燕虜王喜地入於秦

三十一年帝東巡刻碣石門壞城郭决隄防按

記使盧生求美門子高

二世元年帝東行到碣石並海盡刻始皇所立刻石

二年趙將韓廣畧燕地自立為燕王

楚義帝元年徙燕王廣為遼東王按廣以二世二年畧燕地

自立為燕王至是徙之都無終則是地正其壤土也

二年燕王荼弑遼東王廣併其地本綱目書法

兩漢三國附

高帝五年燕王臧荼反帝自將虜擊之立盧綰

為燕王按綰以高帝十二年謀反帝遣樊噲討之綰亡走乃立子建為燕王以是地封

搖母餘為海陽侯

景帝四年海陽侯絕國省改為海陽縣建遼西郡

武帝元朔元年秋匈奴入寇殺遼西太守畧二

千餘人圍材官將軍韓安國於漁陽帝以李廣

為右北平太守按前漢右北平乃塞外治平剛也廣在邊數年匈奴不敢犯塞

自後寇代郡寇朔方皆非境內不錄

元封元年帝東巡海上至碣石自遼西歷北邊

而還太初二年帝擊破匈奴左地徙烏桓於上

谷漁陽右北平遼西五郡置護烏桓校尉為漢偵察

匈奴動靜

昭帝元鳳四年將軍范明友襲擊烏桓烏桓反

寇幽州

平帝元始四年安漢公莽更定官名及十二州

界

按漢書莽傳於時改易郡縣縣以亭為名者三

百六十以應符命文又地理志渤海郡臨樂縣

改曰樂亭後漢為樂安國其地與千乘博昌相

近按千乘博昌今山東青州界內也邑之南境

西海與青相對且當後漢晉魏時邑改為樂安

鎮見於史者彰彰乃青今有樂安縣而邑之名
樂亭自來志沿革者皆以爲始於金大定末未
知何故姑附所疑誌之於此

帝更始二年王郎稱帝於邯鄲狗下幽冀耿弇
以上谷漁陽兵行定郡縣會大司馬秀於廣阿
進拔邯鄲斬王郎

按王莽之末天下大亂殺令奪城所在多有東
北境內若董憲龐萌盧芳張步等其最著者也
外若富平獲索尤來五搶以及刁子都城頭子

路等並往來燕齊竄居大海想渤海之間瀕海
之地被其禍者不少矣特以史傳所載未有指
名今亦無從考之

光武建武二年漁陽太守彭寵反攻幽州牧朱

浮於薊

按寵稱兵於薊若與境內無與然寵曾
爲安樂令且其叛時南結張步富平獲

索諸賊則茲邑亦其出入
孔道也尋寵奴斬寵來降

十二年盧芳與匈奴烏桓連兵寇邊遣將軍杜
茂將兵築亭障以備之

十五年二月徙邊郡吏民避匈奴

二十一年春正月烏桓匈奴鮮卑連兵入寇代郡以東皆被其害

二十五年春正月遼東徼外貊人寇右北平遼東太守祭彤招降之

按後漢右北平治土垠今豐潤玉田地之境之西則凡邊方侵擾自塞外東來者邑尤先被其毒矣故凡後漢鮮卑烏桓至右北平者悉書之

冬十月遼西烏桓內屬置校尉以領之按後漢書遼西烏桓大人郝旦等九百二十二人率眾內屬詔封烏桓渠帥為侯王君長者八十一人使居塞

內布於緣邊諸郡

和帝永元十三年鮮卑寇右北平遂入漁陽漁

陽太守擊破之

冬詔邊郡舉孝廉按後漢書幽并涼三州緣邊郡縣戶十萬以上歲舉孝廉

一人不滿十萬二歲一人五萬以下三歲一人

十六年復置遼西部都尉按後漢書郡太守一人丞一人邊郡丞為

長史又有部都尉以典兵農都尉以主屯田屬國都尉以主蠻夷建武六年省都尉至是年復

置云

安帝元初四年鮮卑寇邊西郡兵與烏桓擊破

之註遼西故城在今平州東陽樂城是

六年鮮卑寇馬城度遼將軍鄧遵率南單于擊破之

按綱目質實引明一統志云馬城塞在今永平府灤州南二十里卽邑治也此以唐之馬城爲漢之馬城證據殊謬蓋漢之馬城在代郡卽今之馬邑治晉于寶搜神記曰昔秦人築城於周塞將城而崩者數矣有馬馳走周旋反覆父老異之因依以築城城乃不崩遂以名焉至今父

老傳之古書所載固有名是而實非者當詳考之嗣後陽嘉二年鮮卑寇馬城統如此

永寧元年遼西鮮卑大人烏倫其至韃率衆詣度遼將軍祭遵降

桓帝延熹九年匈奴烏桓降鮮卑走出塞按後漢書

時鮮卑檀石槐最强自分其地爲三部從右北平至遼東爲東部右北平以西至上谷爲中部從上谷以西至烏孫爲西部自後每歲犯邊

靈帝熹平六年鮮卑寇遼西太守趙苞破之

按幽薊二州自檀石槐爲寇後桓靈之世盜賊

蜂起牛角飛燕並與河北讀蔡邕三五之疏曰
臣伏見幽冀舊壤鎧馬所出比年兵饑兩州縣
空萬里蕭條無所管繫則茲地之殘破可知矣

中平四年漁陽張舉張純按後漢書故中山

守張舉及烏桓大人邱力居等遼兵劫畧薊中

殺護烏桓校尉公綦稠右北平太守劉政眾至

屯肥如

按自靈帝中平四年張純與邱力居發難公孫

瓚劉虞領眾征討後又自相攻擊嘗於魏志瓚

傳稽劉虞為瓚破後其從事漁陽鮮于輔率州

兵報瓚舊志謂輔即鮮于仲權之遠祖又魏志

太祖紀太祖與袁紹相拒於官渡輔身詣太祖

拜左度遼將軍封亭侯舊志謂亭侯即樂亭侯

雖臆說然虞瓚之事足徵其在茲土矣

五年遣騎都尉公孫瓚討漁陽賊走之按後漢

純等戰於屬國石門純等大敗踰塞走瓚深入

無繼反為邱力居所敗圍瓚於遼西管子城二

百餘日糧盡眾潰

士卒死者什五六

六年三月幽州牧劉虞討漁陽賊斬張純餘眾

降散按漁陽賊平公孫瓚志欲掃滅烏

獻帝初平四年大司馬劉虞討公孫瓚不克見
按瓚時築小城於薊城東南以居虞恐其終
殺為亂乃率兵十萬討之不克被擒遂見殺瓚
據有幽州地邑
之境內皆屬焉

興平二年劉虞故吏鮮于輔迎虞子和攻公孫
瓚破之
後瓚滅於袁紹自
焚死地入於紹

建安四年袁紹承制以烏桓蹋頓為單于
處於
遼西

十年春袁熙與其弟尚犇遼西烏桓

十二年曹操擊烏桓單于蹋頓上徐無山塹山

堙谷五百餘里經白檀歷平岡涉鮮卑庭至白

狼山與戰大破之斬蹋頓及名王已下降者二

十餘萬口袁熙袁尚犇遼東公孫康斬之
按魏志時

方夏雨水而海濱溇下溇泥不通烏桓亦遮守
蹊要軍不得進無終人田疇曰此道夏秋有水
淺不通車馬深不載舟舡為難久矣舊北平郡
治在平岡道出盧龍達於柳城自建武以來陷
壞斷絕若回軍從盧龍口越白檀之險出空虛
之地掩其不備蹋頓可不戰而擒也太祖從之
表疇為
議郎

後主建興十五年
魏明帝景初元年
吳大帝嘉禾六年遼東公孫

淵反自立為燕王偽詔青幽兗冀四州作大海

船時誘鮮卑
侵擾北方

延熙元年 魏景初二年 魏遣太尉司馬懿擊遼

東大破之傳淵首於鄴海東諸郡平 按淵傳云

軍至遼東淵遣將軍卑衍楊祚等將步騎數萬

屯遼隧圍二十餘里諸將欲擊之宣王不可反

等恐襄平無守夜走諸軍進至首山淵復遣衍

等迎戰宣王擊破之遂進軍圍襄平會秋霖雨

三十餘日遼水暴長運船自遼口徑至城下三

軍恐欲移營宣王皆不聽雨霽起土山修櫓為

發石連弩射城中淵窘急糧盡人相食死者甚

多將軍楊祚等降遂斬

淵自後遼人地入於晉

晉

武帝泰始十年春分幽州置平州治昌黎 然非今之

昌黎也遼西郡海陽縣仍屬幽州

太康六年鮮卑慕容廆寇遼西殺畧甚衆帝遣

幽州諸軍討廆戰於肥如廆衆大敗 武帝紀作

鮮于嬰 討破之

十年慕容廆降以為鮮卑都督 後惠帝元康四

城則與境內無涉矣

惠帝大安二年鮮卑段務勿塵據有遼西之地

幽州都督王浚表封為遼西公 按晉書載紀鮮

統衆三萬餘家控弦四五萬騎時公北將軍王浚以世亂多故欲結援以遼西禪表封為遼西

職方下

公

懷帝永嘉元年

漢劉淵元熙四年

以王浚為司空領烏

桓校尉務勿塵為大單于段匹磾為左賢王

按此

據王浚段匹磾二傳載入晉紀失載

按懷帝以後晉祚中衰劉聰石勒侵擾北方是

地雖領於王浚然浚擁眾據兩端非能忠於晉

者也厥後務勿塵死子疾六眷立王浚雖同疾

六眷文鴛末秭等共討勒乃末幾秭為勒所獲

疾六眷與勒議和王浚推誠待勒為勒所賣末

秭殺涉復辰等自立為單于降於石勒則是地

半屬諸石勒矣

愍帝建興元年

漢嘉平三年

慕容廆攻段氏取徒河

新城至樂陽

時中國流民歸廆者數萬家廆以冀州人為冀州郡豫州人為成州

郡青州人為營邱郡并州人為唐國郡按廆所置四郡唯營邱近邑東南冀陽在前漢右北平

治平陽縣成周唐國未詳所在

元帝建武元年

漢麟嘉二年

劉琨段匹磾討石勒未

行而罷

時遼西末秭雖附石勒而段匹磾文鴛尚與劉琨約同夾扶王室

大興元年

漢劉曜光初元年

太尉廣武侯劉琨為段匹

碑所害

時琨子羣為末秭所劫令招琨納降于石氏碑知之遂害琨然碑退保于樂陵

始勢孤而無所輔矣

四年

後趙石勒三年

後趙陷幽冀并三州撫軍將軍幽

州刺史段匹磾死之

時後趙將石虎攻匹磾於厭次陷之匹磾弟文鴛出

戰力盡被執匹磾欲單騎歸朝故冀州刺史邵

續弟樂安內史洎勒兵不許遂亦被執後到襄

國持晉節經年國中推匹磾為主事露被害

文鴛亦遇鳩而死而是地統屬諸石勒矣

永昌元年

後趙四年

慕容廆遣其世子皝襲段末秭

入令支掠其居民千家而還

按晉書載記稱段

國與皝將慕容遵大戰於五官水上雲敗

斬之盡俘其眾五官水即今灤州官水

明帝太寧三年

後趙七年

段末波卒以弟牙嗣

牙立未踰

年疾六眷之孫

成帝咸和八年

後趙四年

慕容廆卒以慕容皝為

征北大將軍幽州牧

後咸康三年皝自立為燕主

九年

後趙五年

慕容皝兄翰犇段氏

咸康四年

趙太祖石虎建武四年

趙王虎帥眾七萬擊段

遼於遼西遼犇平岡

按晉書載記趙王虎將伐

遼西段遼募有勇力者三

萬人皆拜龍騰中郎以桃豹為橫海將軍王華

為渡遼將軍統舟師十萬出漂淪津支雄為龍

驤將軍姚弋仲為寇軍將軍統步騎十萬為前

相張牧北平相陽裕上谷相侯龔等四十餘城
並率眾降趙王虎徙其民二萬餘戶于司雍充
州豫四

趙王遂伐燕不克開屯田於海濱時趙王謀伐

將軍曹伏將青州之眾渡海戍蹋頓城無水而還因屯於海島運穀三百萬斛以給之又以舡三百艘運穀三十萬斛詣高句麗使典農中郎將王典率眾萬餘屯田於海濱

六年趙建武趙大發兵伐燕燕人襲之趙師還

時趙王虎命司冀青徐幽并雍七州之民五丁取三四丁取二合鄴城舊兵滿五十萬具舡萬艘自河通海運穀千一百萬斛於樂安城自幽州以東至白狼大興屯田悉括取民馬得四萬餘匹大閱於宛陽以擊燕按樂安城即今縣治

燕王皝及趙將石城戰於遼西敗之獻捷於京

師

康帝建元元年趙建武九年趙復發兵伐燕燕敗之

於遼西

穆帝永和元年趙建武十一年趙使征東將軍鄧恒將

兵數萬屯樂安按晉書載記慕容皝從容謂諸將曰石季龍自以安樂諸城守

防嚴重城之南北必不設備今若詭道出其不意冀之北土盡可破也於是率騎二萬出蠡螭塞長驅至於薊城進渡武津遂入於高陽由此觀之當時境內尚屬趙王也

六年趙石祗永和元年燕王雋皝子永和四使慕容霸

職方下

將兵二萬自東道出徒河慕輿于自西道出嶧

嶧塞雋自中道出盧龍塞以伐趙霸軍至三徑

魏書海陽縣有橫山蓋卽三徑之地鄧恒焚倉庫棄樂安遁徒河

南部都尉孫泳入城撲滅餘火霸收樂安北平

兵糧與雋會臨渠今三河縣

按鄧恒旣遁遼西諸地悉入於燕然自古言樂

安者南則以爲青州北則以爲潞縣不知其卽

縣治也

十二年燕慕容雋元璽五年時趙已滅鎮北將軍段龕及慕容

恪戰於廣固大敗之恪退據安平

按北邑境新安平地在上

亦稱安平者

升平二年燕光壽二年燕令州郡校閱見丁精及隱

漏率戶留一丁餘悉籍之欲使步卒滿一百五十萬明年雋薨子暉嗣改元建熙

帝奕太和五年燕慕容暉建熙十一年秦遣將王猛伐燕

攻慕容筑於金墉燕遣慕容臧率師禦之戰於

石門燕師敗績筑降於秦臧築新樂而還按新樂卽

安樂臧曾封樂安王故築之今境內亦有新樂鎮倘卽慕容臧之故蹟歟

九月秦遣將王猛楊安等率衆伐燕燕遣慕容

評將兵四十萬禦之戰於潞川燕師大敗猛長
驅至鄴燕王暉北走昌黎秦將巨武執之送於
長安滅慕容氏而送其衆按燕王暉在位十一年滅而是地入於秦矣

孝武帝太元五年秦符堅建元十六年秦幽州刺史符洛

反秦遣將傅融討之執洛送於長安時石越率騎一萬自

登萊海道

七年秦建元十九年夏幽州蝗廣袤千里秦遣使者劉

蘭發青冀幽并四州之民捕之經冬不滅

八年秦建武十九年丁零翟斌起兵攻洛陽秦使慕容

垂討之垂叛秦斌與合遣子農略幽州故地攻

秦世子丕於鄴時農使趙秋說屠各及東夷烏桓各帥部衆數千赴之

九年燕世祖慕容垂元年慕容垂自稱燕王大破秦兵斬

其將石越據有燕地

十一年燕建興元年燕將軍餘岩叛據令支燕遣慕容

容農擊斬之時農留鎮幽州法制寬簡清刑獄省賦役勸農桑居民富贍

二十年燕建興十一年春燕將軍平規反於魯口其弟

海陽令翰起兵於遼西以應之燕遣東陽公根

擊破之

是年垂卒其子寶嗣改元永康

安帝隆安元年

燕慕容寶永康二年

魏王珪伐燕燕幽平

牧慕容會引兵至薊

時會表求赴難而無行意遣將軍庫偃官偉餘崇將

兵五千為前鋒偉頓盧龍近百日後餘崇奮勇

率步騎五百先至漁陽遇魏兵擊却之眾心稍振會乃上道

三年

燕慕容盛長樂元年

范陽人盧溥聚眾海濱攻掠郡

縣秋八月遼西太守李朗叛附於魏留其子養

守令支自迎魏師於北平燕遣將軍李旱討斬

之

四年

燕長樂二年

正月魏材官將軍和突襲盧溥於

遼西擒之燕遣孟康平救之不及斬魏守宰而

還二月襲高句驪拔新城南蘇二城徙其民五

千餘戶於遼西

五年

燕慕容熙光始元年

魏將軍宿沓干伐燕拔令支而

戍之

是歲燕主盛薨其叔父熙僭位改元光始

元興三年

燕光始四年

燕主熙與符后游畋於南滄

海而還

義熙二年

燕光始六年

燕大城肥如以尚書劉木為

鎮南大將軍冀州刺史鎮肥如

明年熙為高雲所弒雲自立改

元正始未幾復為北燕馮跋所殺跋自立改元太平

五年 北燕馮跋

北燕以從兄萬泥為驃騎大將

軍幽平二州牧

後萬泥北奔白狼山阻兵以叛跋遣將張興討之斬萬泥署馮

素弗為大司馬改封遼西公

十年 北燕太平六年

河間人褚匡請燕於遼西臨榆邊

海地造舡出通章武郡

尋燕王從兄買從弟賂自長樂師五千餘戶浮

海入遼西臨榆至和龍

十二年 北燕太平八年

燕將庫儻官斌降魏已而復歸

燕冬十月魏遣驍騎將軍延普渡濡

濡古水擊

斌斬之

十四年

北燕太平十年

魏主嗣徙冀定幽三州民於京

師命驍騎將軍延普幽州刺史尉諾自幽州引

兵趨遼西

按明年晉滅宋興而是地沒於北燕為北燕太

平之十一年又後十年北燕遠遁併於元魏則

為南北之分朝矣

南北朝

按南北分朝境內絕與南朝無與因止以北朝紀年

魏太武帝始光二年北燕太平十七年慕容渴悉隣反

北平破郡縣太守與守將擊敗之

延和元年北燕馬弘太興二年夏六月魏主伐燕秋七月

已未至濡水已巳至和龍攻之不下九月乙卯

引兵還徙營邱成周遼東樂浪帶方元菟六郡

民三萬家於幽州通鑑註燕國自慕容以來分置郡縣於遼西其間或省或

併為郡為縣皆不可攷

冬十二月長樂公崇以肥如降魏時燕遣其將

救軍至封羽亦降

按時燕雖未滅然所保者和龍一隅耳遼西是

如今支等郡皆入於魏

二年魏遣樂平王丕伐燕秋七月至於和龍

太延二年魏遣平東將軍娥清安西將軍古弼

率精騎一萬伐燕平州刺史拓跋嬰率遼西諸

軍會之燕主奔於高麗燕亡

文成帝太安三年冬十月魏主東巡詔太宰常

英起行宮於遼西黃山

四年春正月魏主東巡平州庚午至黃山宮遊

樂亭縣志 卷之二
宴數日親對高年勞問疾苦二月丙子登碣石
山觀滄海大饗羣臣於山下班賞進爵各有差
改碣石山爲樂遊山築壇記行於海濱

按晉泰始時分幽州置平州治昌黎蓋在塞外
非今之昌黎也若魏之平州徙治於遼西凡晉
之肥如陽樂海陽皆屬焉則隸於境內非晉比
矣

宣武帝孝昌元年柔玄鎮民杜洛周率衆反於
上谷攻沒郡縣南圍燕州詔幽州刺史常景爲

行臺征虜將軍元譚爲都督討之

三年夏五月燕州刺史崔秉棄城南走秋七月
杜洛周遣其別帥曹紇真寇掠幽州行臺常景
遣都于榮邀于栗園大破之斬紇真獲三千餘
級

秋九月營州人就德興攻陷平州殺刺史王買
奴

冬十有一月杜洛周攻陷幽州執刺史王延年
及行臺常景

武泰元年葛榮殺杜洛周并其眾

葛榮本五原降戶鮮于修

禮餘黨是時幽平二州葛榮在西就德興在東數十郡縣皆非魏有矣

九月爾朱榮討葛榮擒之餘黨韓樓復反據幽

州

孝莊帝永安二年九月魏爾朱榮討韓樓獲之

幽州平十一月就德興來降營州平

前廢帝普泰元年幽州刺史劉靈助起兵於薊

次於安國城定州刺史侯淵破斬之

是後更三帝共二十

二年魏亡地入於齊

齊顯祖天保四年秋七月齊主北巡遂伐契丹

冬十月丁酉至平州從西道趨長塹使司徒潘

相樂帥精騎五千自東道趨青山丁巳登碣石

臨滄海

七年齊併省州縣

省遼西郡及海陽縣入肥如邑始為肥如

十二月齊築長城

自西河總秦戍築長城東至於海

初主承光元年周師至鄴營州刺史高寶寧率

契丹靺鞨驍騎萬餘人救之至北平聞鄴城不

守乃還遂據營州

營州去遼西尚五百餘里然高氏當日實兼北平有之

樂亭縣志 卷之二
按高寶寧以承光元年據有北平至開皇三年始平中間僭據凡六年是當周之世雖有河北而實未得斯地也

隋

高祖開皇二年夏四月高寶寧寇平州

三年夏四月行軍總管陰壽破高寶寧於黃龍

寶寧遁去以陰壽為幽州總管

按隋書地理志
隸冀州幽州

總管似與本境無涉然考隋志也
理凡幽州平州皆已省入冀分也

六年省肥如入新昌

新昌
肥如屬

十八年改新昌為盧龍

盧龍
肥如屬

煬帝大業八年春正月帝伐高麗統兵二百萬

水陸並進

時左右各十二軍左第三軍
出溟海右第九軍出碣石

六月帝

御六合城七月宇文書等與高麗戰敗於薩水

九年二月復徵兵伐高麗夏四月車駕度遼

十年詔伐高麗死亡將士不及埋藏者遣人分

道收葬設醮於遼西郡以祭之

三月帝伐高麗夏四月車駕次北平秋七月高

麗遣使請降八月班師

按隋書地理志北
平郡縣一盧龍

十一年帝令李景營遼東戰具於北平

十二年幽州賊楊仲緒率眾萬餘攻北平李景

破斬之

明年高祖稱帝是地李景尚有之尋高開道起遂沒於開道矣

唐

後唐五代附

高祖武德元年渤海賊高開道圍北平守將李

景拔城去開道據有其地

開道以武德三年降唐五年復叛七年為

其下張全

樹所殺

按隋末喪亂盜賊蜂起幽管之地如格謙高曇

晟輩各殺令侵擾矣至高開道與劉黑闥羅藝

踵其後兼引突厥入寇其暴更甚直至五年以

後黑闥授首羅藝投誠開道勢孤自擾帳下幽

薊二州始稍寧土

五年冬十月契丹寇北平

太宗貞觀十九年春二月上親征高麗夏四月

車駕至北平六月敗高麗於安市城秋九月班

師冬十月次漢武臺刻石紀功

高宗龍朔元年遣兵部尚書任雅相等征高麗

時三十五軍水陸並

進然未幾遂班師

中宗嗣聖十三年

周武后萬歲通天元年

夏五月契丹寇

營州周遣兵擊之大敗

時契丹將李盡忠孫萬策等寇營州周遣將軍

曹仁師右金吾衛張玄遇司農少卿麻仁節等

禦之與契丹戰於硤石谷兵大敗契丹飛索以

縛玄遇仁節生擒之進攻平州刺史鄒保英妻奚氏率家僮女丁乘城不下

十四年周武后神春三月周總管王孝傑蘇宏

暉等將兵十七萬與孫萬榮戰於東硤石谷周

兵大敗孝傑死之按唐書契丹傳稱萬榮席已

武后復命武懿宗統兵二十萬擊之誘奚衆掩

其尾契丹乃敗後再傳至元宗時可突于反雖

屢犯邊然未嘗

入關統不錄

元宗開元二十八年置馬城縣以通水運

按舊志引此為縣之西北境攷之唐志有千金

冶茂鄉鎮等城則屬遷安界內矣

天寶元年春正月分平盧別為節度統平盧盧

龍二軍以安祿山為節度使

四載契丹大酋李懷秀叛范陽節度使安祿山

討破之十載安祿山討契丹大敗按契丹傳云

祿山方幸表

討契丹以向帝意發幽州雲中平盧河東兵十

餘萬討契丹過平盧遇雨弓弩筋膠皆弛戰於

潢水南大敗祿山寇

至平盧麾下皆亡

職方下

十四載安祿山反陷河北諸郡常山太守顏杲卿起兵討之復河北十七郡時附祿山者唯范陽盧龍密雲漁陽六郡

代宗廣德元年春正月史朝義自殺其將李懷

仙以幽州降

按唐書史朝義北奔奚契丹至溫泉柵其將李懷仙遣兵追及之朝

義窮蹙縊於林中唐書註溫泉柵在平州界

大歷三年幽州將朱希彩殺其節度使李懷仙

詔以希彩知留後

時以王縉領盧龍節度使縉度不可制勞軍而還

按自安史亂後尋為藩鎮名曰人臣其實叛賊

茲邑始於李懷仙繼而朱希彩朱泚朱滔劉忬

劉濟劉總與鎮冀魏博互相犄角馴至憲穆之

世吳元濟李師道相次削平承宗憂死宏正歸

誠總以孤立無輔乃奉表朝請願割所治為三

中間僭據者蓋數十年然以謀國不臧文恬武

嬉未幾而朱克融復叛去數傳至劉守光父子

則終唐之世皆阻於聲教矣

七年幽州將吏殺其節度使朱希彩詔以朱泚

代之後於九年朱泚入朝表以弟滔知留後許之

德宗建中三年朱滔反詔李懷光討之

時滔與王武俊

發盧龍等兵救田悅

興元元年朱泚上表謝罪

明年泚死以劉怵為幽州節度使又明年

怵死以怵子濟知節度使事

貞元十一年奚寇平州劉濟敗之於青都山

憲宗元和五年盧龍節度使劉濟將兵七萬討

王承宗

時屯瀛州進攻安平久不拔命次子總以兵八千先登日中入其城尋總弑濟

自稱留後

穆宗長慶元年二月劉總以盧龍軍八州

有司

按總傳請以所治郡分為三以幽涿營為一府張弘靖治之瀛莫為一府盧士玫治

之平薊媯檀為一府薛平治之時朝廷宴安不以天下為意惟割瀛莫二州以士玫領之餘皆

統於弘靖

七月盧龍軍亂囚其節度使張弘靖推朱克融

為留後

按唐書時義武軍節度使陳楚與克融戰於望都敗之疑定州之望都與境內

無涉矣

敬宗寶歷二年五月盧龍軍亂殺其節度使朱

克融而立其子秋八月都將李載義殺之自稱

留後

文宗太和四年奚寇邊李載義敗之

五年春正月盧龍將楊志誠逐其節度使李載

義二月以楊志誠為留後是後太和八年史元忠復逐楊志誠自稱

留後武帝會昌元年陳行榮復逐史元忠張絳

復殺陳行榮各自稱留後至會昌二年以張仲

武為盧龍軍節度使軍中始定

宣宗大中三年張仲武卒其子直方自稱留後

按唐書時直方暴忍軍中將為亂直方知之舉

族逃歸京師軍中推周淋為留後太中四年周

琳卒推張允仲為留後懿宗咸通十三年張允

仲卒推張公素為留後傳子可舉光啟元年李

金忠逐張可舉傳子匡威匡壽至晉

王克用起而掃除之而唐祚終矣

昭宗乾寧元年李克用陷幽州幽州節度使李

匡壽奔於滄州表劉仁恭為檢校司空盧龍節

度使後仁恭遂叛克用據有其地

二年契丹阿保機遣其別將阿鉢將萬騎入寇

榆關盧龍節度使劉仁恭遣其子守光誘而執

之

四年李克用攻劉仁恭於幽州不克

光化元年劉仁恭子守文陷滄州據有其地時

昌節度使盧彥威與仁恭爭濱海鹽利仁恭因以襲之

職方下

三年朱全忠將葛從周敗仁恭於瓦橋仁恭復求救於李克用

昭宣帝天祐三年梁王全忠攻滄州劉仁恭救

之時仁恭下令境內男子十五以上皆籍為兵

其面曰定霸都士人則捏於臂曰一心事

主盧龍間里為空得眾二十萬屯瓦橋全忠環

滄州築而溝之內外援絕人相食仁恭求戰不

許復從克用乞師使百倍往乃許仁

恭以兵三萬合攻潞州滄州圍乃解

四年夏四月劉仁恭為其子守光所囚守光乃

自領盧龍軍節度使其兄守文率兵討之至於

盧臺為守光所敗乃乞兵

九年時唐已滅後唐莊宗猶用契丹遣其弟

刺葛攻燕平州破之唐年號茲依後唐本紀書之

十年晉師逼幽州拔平營州執燕劉仁恭及守

光以歸按五代史晉王遣周德威將三萬人會

武順諸州皆迎降進圍守光於幽州守光將李

小喜叛降於晉德威攻破其城執仁恭及其家

族三百口守光與其妻李氏祝氏守繼珣繼方

繼祚等南走滄州迷失道至燕樂界中數日不

得食遣其妻祝氏乞食於田家田家恠

而詰之祝氏以實告乃被擒送於幽州

冬十月晉王以周德威為幽州盧龍節度使時

威恃勇不修邊備契丹

十四年契丹圍幽州晉王遣李嗣源將兵救之
時契丹乘勝進圍幽州前新州裨將盧文進教
之攻城周德威遣使告急王因命嗣源救之
按通鑑契丹以盧文進為盧龍節度使居平州
歲入北邊殺掠吏民盧龍廵屬為之殘弊是阿
源之救幽州之圍雖解而遼西故地當時已沒
於遼矣

十九年

契丹阿保機
天贊元年

春正月晉王擊契丹大敗

之

按契丹傳契丹敗退保望都王引兵趣望都因

縱兵奮擊契丹大敗逐北至易州契丹主乃歸
時未明言平州得失然以明年堯骨克平州並
本傳乃歸之文詳之歸者出塞之辭也想必時
契丹敗衄不暇及顧直趣西樓頓兵休息明年
乃更擊平州以圖興復耳平州地當復入晉若
所云望都縣則仍為定州屬邑在幽州之西南
與境內無涉通鑑集覽所引殊誤

後唐莊宗同光元年

契丹天贊二年

契丹克平州獲刺

史趙思溫裨將張崇二月契丹主如平州以平

州爲盧龍軍置節度使

自後境內地悉入契丹終遼之世張毅南歸始

通中國然未半載復沒於金矣

按顧炎武日知錄宋史言朝廷與金約滅遼止求石晉賂契丹故地而不思營平灤三州非晉賂乃劉仁恭獻契丹以求援者旣而黼梅欲併得之遣趙良嗣往請之再三金人不與此史家之誤按通鑑初幽州北七百里有渝關下有渝水通海自關東北循海有道道狹處纔數尺旁皆亂山高峻不可越北至進牛口舊置八防禦

軍募土兵守之田租皆供軍食不入於冀幽州歲致繒纈以供戰士衣每歲早獲清野堅壁以待契丹契丹至輒閉壁不戰俟其去選驍勇據隘邀之契丹常失利走土兵皆自爲田園力戰有功則賜勳加賞由是契丹不敢輕入寇及周德威爲盧龍節度使恃勇不修邊備遂失渝關之險契丹每芻牧於營平之間又按遼史太祖天贊二年正月丙申大元帥堯骨克平州獲刺史趙思溫裨將張崇二月如平州甲子以平州

盧龍軍置節度使遼之天贊二年乃後唐莊宗同光元年是營平二州契丹自以兵力取之于唐而非劉仁恭所賂若灤本平州之地遼太祖以俘戶置灤州當劉仁恭時尚未有此州尤爲無據遼史於灤州下云石晉割地在平州之境亦誤也

明宗天成元年

契丹天顯元年

冬十月契丹盧龍節度

使盧文進奔唐

按文進守平州所部皆華人歸乃率其衆十萬歸唐

遼史是年七月盧龍行軍司馬張崇奔唐通鑑在天成三年少異

按史稱文進爲契丹守平州旣而奔唐是文進

來奔之後平州宜屬唐矣然稽通鑑王都之反

契丹助之所爭在定州恒州之間敬塘之叛契

丹救之所爭在晉陽汾曲之間且長興三年唐

城三河以防幽薊運路皆在平灤以西是平灤

東境自堯骨再克之後久淪於遼而中國已不

能復矣厥後石敬瑭以十六州獻賂則兼全燕

之地南距檀順西界澤潞皆遼有矣卽天福以

後少有興復旋得旋喪豈能越幽薊以東乎

故凡後之兵革爭衡馴至趙宋混一以非本境
統不錄焉

石晉高祖天福三年契丹德光二十一年契丹改號遼

晉主重貴開運元年遼保寧二年遼分平州置灤州

領軍一曰永興領縣三曰義豐馬城石城邑屬馬城

宋遼金附按宋太祖建隆之元年為遼穆宗璟之十年

太宗太平興國七年遼聖宗統和元年遼復國號曰契

丹

雍熙三年契丹統和四年契丹以林牙勤德率兵守平

州之海岸以備宋

按自宋建國與契丹爭河北者殆無虛日然以
守關奪隘既失地利故雖謀臣猛將亦未如之
何焉蓋亦形勢然也尋至端拱之年朝廷厭兵
議崇修好靖康之禍已萌於此矣

淳化五年契丹統和十二年春三月契丹主如灤長春

宮觀牡丹統和十五年復如長春宮

至道三年契丹統和十五年春三月契丹募民耕灤州

荒地免其租賦十年夏四月令平州決滯獄

真宗咸平四年契丹統和十九年冬十二月契丹免平州租稅

咸平六年契丹統和二十二年秋九月契丹平州進白兔

仁宗嘉祐四年契丹道宗洪基清寧五年契丹建灤州學

英宗治平元年契丹清寧五年春二月契丹蠲平州復

業租賦

三年契丹咸雍六年契丹復國號曰遼

神宗熙寧七年遼咸雍十年春二月遼蠲灤復業民

租賦

元豐三年遼大康六年遼免平州復業民租賦二年

哲宗元符二年遼壽昌五年遼以齊陶為馬城縣樂

安鎮監酒

徽宗宣和四年遼海濱王保大二年春正月金人克中京

平州軍亂殺節度使蕭諦里州人推張鼓宋史作覺

領州事

五年遼保大三年金太宗完顏吳乞買天惠元年金改平州為南京

以張鼓為留守置灤州節度使領縣四曰義豐石城馬城樂亭

領鎮二曰榛子新橋

按平州興平軍節度使本遼之遼興軍今盧龍
遷安撫寧昌黎及縣之東北境是也蓋在府治
之近東北者灤州永平軍節度使本遼之永安
軍今灤州樂亭及開平鎮是也蓋在府治之近
西南者

三月宋遣使如金議復平灤夏六月張毅以平

州歸宋

按宋史先是趙良嗣如金求營平灤

本朝狗大國多矣豈在平灤一事不能相從
金主曰平灤欲作邊鎮不可得也時左金
詩獻全在曰君王莫聽捐燕議一寸山河
金故金人不許時金復驅遼宰相左金

徒燕民不勝其苦因過州謂張毅曰左金弓不
能守燕公今臨巨鎮握強兵盡忠于遼人心所
望公如之何毅遂召左金弓等至灤河
西界數以十罪皆溢殺之以地歸宋

十一月金人襲平州張毅奔燕山平州人推張

毅固為都統以拒守

後金將幹離不襲破平州
遣人以納叛責宋宋遂詔

王安中殺張毅
函首以卑金

按宋置太寧軍係宣和五年事然徽宗記宣和

五年六月遼人張覺以平州來附十一月金仍

取平州是斯地之入宋不及一年也

六年

遼保大四年五月乙巳金將闍母克平州
金天會二年

執敦固殺之

是後地入於金

七年

遼保大五年金天會三年

秋九月宋兵自海道破金九

塞殺馬城縣戍將節度使盧幹

欽宗靖康元年

金天會四年

秋九月金復以南

為

平州遼興軍為興平軍節度使

高宗紹興十四年

金熙宗皇統四年

冬十一月金主獵

於海島

孝宗隆興元年

金世宗大定三年

金徙灤州饑民於山

西就食

淳熙七年

金大定二十年

春正月丙子金主幸石城縣

行宮丁丑以玉田行宮之地偏林為御林大淀

灤為長春淀

是後金主履行幸然石城地雖偶屬本邑未幾仍復改去終非邑內

正封因不錄

曩余初至境入義塾見其額云大定書院心頗

疑之以元立大定府在今

盛京地金長春淀舊名大定在今玉田地去此皆

絕遠邑之人何漫無考據若此及考元史至元

五年曾省石城地入樂亭長春淀舊隸石城乃

知邑人之說非無本也然年代既遠地方省併互有異同邑之名勝非無所也亦何必取已陳之迹而侈為美名耶

八年金大定二十一年二月戊子金元妃李氏薨已丑

皇太子及扈從臣僚奉慰於芳明殿辛卯還殯

京師庚子上還都按金史世宗即位感念昭德皇后不復立后元妃下皇后

一等在諸妃上冬十二月罷平州椿配鹽課

九年金大定二十二年冬十月辛丑金徙河間宗室於

平州

寧宗嘉定六年金衛紹王至寧元年蒙古兵三道南侵

合撒兒等為左軍循海而東掠平灤諸郡

七年金宣宗貞祐十一年夏四月金僑置臨潢府於平州

六月蒙古兵南下追金將招燈必舍及於平灤

降之秋八月蒙古兵攻平州完顏合達以城

降權領永安軍事鮮卑仲吉以灤州降蒙古改

興平郡為府自後地入蒙古

八年金貞祐三年蒙古太祖奇渥溫鐵木真元年蒙古木華黎殺張

鯨於平州按元史蒙古以張鯨總北京十提領兵鯨懷反側木華黎覺之命肖阿先

監其軍至平州鯨稱疾逗遛不進阿先執而殺之鯨弟致憤其兄被害乃殺長史據錦州畧平灤瑞利義懿廣寧等州下之木

華黎遣先鋒討之郡州復平

理宗景定元年

蒙古世祖 興平府為平灤路

二年 元中統 元命平章政事趙璧左三部尚書

怯烈門修邊堡東至平灤路

三年 元中統 春二月元大都督李壇以山東諸

郡歸宋元勅元帥阿海分兵戍灤河口籍民兵

守城

冬十月元以灤州劉不里刺所管質子軍四百

戶還屯

四年 元中統 元命阿海克都元帥領平灤軍

五年 元至元 元改樂亭縣為濱州是為東濱

度宗咸淳元年 元至元 元禁灤捕獵

三年 元至元 元濱州仍改為樂亭縣屬平灤路

秋八月禁平灤路私鹽酒醋

四年 元至元 元省灤州石城縣入樂亭

五年 尋即改 入義豐

七年元至元八年春二月元發灤州民築長城後八年宋

一統

元

世祖至元十年勅造舟於灤為通海運也置鹽場

二十年歸造船軍民於農夏六月免平灤路絲

料秋七月免平灤路今歲俸鈔

二十三年置平灤路放良字蘭奚人戶於打捕

屯田府以平灤諸路拘刷漏籍放良字蘭奚人戶及僧道之還俗者立屯于瑞州西募

屯田總管府

二十四年夏四月諸王乃顏反五月帝親征詔

范文虎將衛軍五百人鎮平灤六月括平灤路

馬

秋八月置屯田總管於馬城隸北京採木人戶轄豐瞻昌國濟民

三署各置署令一人署丞一人直長一人吏目二人吏二人以領其事為戶三千二百有九十

為田一萬一千六百一十四頃四十有九畝

按馬城至元四年已省入邑內及州治此云馬

城者蒙舊詞也

二十六年秋七月發至元鈔市平灤馬 弛河

職方下

泊禁十二月罷望都榛子二驛放其戶為民

二十七年夏四月免平灤路今歲俸鈔

二十八年勅姚演濬灤河漕運演乞應副沿河蓋露因工匠什

物仍預備來歲所用漕船五百艘水手一萬牽

舡夫二萬四千時省臣集議近歲東南荒歉民

力凋敝造舡調夫其事非輕一時並行必致重

困請先造舟十艘量撥水手試行之如果便續

增益制可其奏先以五十艘行之仍選能人同事

二十九年免平灤路今歲公賦

三十年置平灤路軍器人匠局大使副使各一員

成帝大德六年春三月免平灤差稅三年

七年冬十月改平灤路為永平路

十一年武宗即位秋七月以永平路為皇妹魯國長

公主分地租賦及土產悉賜之

武宗至大元年詔以永平路鹽課賜祥哥刺吉

公主時中書省臣執不可乃止

三年春三月辛卯發康里軍屯田永平

四年秋九月丁巳以永平路歲入除經費外悉

賜魯國大長公主

英宗至治二年夏五月置營於永平收養蒙古子女

泰定帝泰定二年築灤河堤

永平屯田總管府言國家經費咸出

於民民之所生無過農作本屯闢田收糧以供內府之用不為不重訪馬城東北五里許張家主龍灣頭在昔有司差夫築堤以防灤水西南連清水河至公安橋皆本屯地分去歲霖雨水溢衝溢皆盡浸死屯民田苗終歲無收方今農隙若不預修必致為害工部移文都水監察濠塞泊木屯官及灤州親詣相視督令有司差夫補築

三年冬十一月弛永平路山課之禁免永平租

致和元年八月發平灤民墾遷安鎮以禦遼東

軍時諸王也先帖木兒自遼東率軍入

文宗至順元年賞西城軍士於灤

順帝至正十三年立分司農司

按元史命怡良哈台烏古孫良

棟兼大司農卿給分司農司印西自西山南至保定河間北至檀順州東至遷民鎮凡係官地及元管各處屯田悉從分司農司立法佃種合用工價牛具農器穀種召募農夫諸費給鈔五百萬錠以供其用

二十年秋七月乙未平章程思忠叛陷永平路詔也速討之復灤州及遷安昌黎撫寧等縣

二十一年春正月思忠棄城走追至瑞州殺獲
萬計復永平路後七年元亡

明

太祖洪武元年秋九月戊申大將軍徐達遣都

督同知孫興祖等徇永平元分省參政崔文耀

以州降

與祖留平章俞通源等以元五省八翼兵守之

二年頒詔安北平

八年穎川侯傅友德奏通灤河青河故道漕運

設新橋海口千戶所

十四年詔編里社及賦役黃冊

十七年北平留守傅友德復奏通漕運

二十八年令民養馬免稅

惠帝建文元年秋七月靖難兵至永平

指揮趙葵千戶

郭亮百戶吳買

驢等以城降

九月遼東兵至永平

時指揮僉事谷祥等哨縣中商家堰下莊楊家庄兵

與戰于團林獲馬

匹賞軍士鈔布

二年遼東兵下昌黎五月指揮僉事谷祥敗遼

東兵於定流河

三年夏五月遼東兵圍永平指揮吳興旺谷祥

敗之時哨縣中嵩林兒莊家兵與敵對壘凡八十日百戶陳華傳亡于良兒莊

冬十一月燕府論守永平功軍士普陞一級時

士陞為小旗小旗陞總旗總旗陞試百戶遞加而上

成祖永樂元年詔流民復業遷南民來屯持

免北平差稅一年

二年編社屯靖難時縣民為遼軍殘破至是士編社遷民編屯社

一十有八屯九云

四年詔免租田二年

十八年改永平府直隸京師

宣宗宣德四年命給山海至薊州軍士附近荒

田屯守

二十二年令養馬民二歲納駒一匹

英宗正統元年令造逃戶周知文冊

五年初革稅課局詔州縣置預備倉

十一年復設稅課局

十四年編民壯丁詳見兵防

十三年帝東巡觀漁于偏涼汀蹕駐於灤城

景帝景泰三年大水灤河徙河舊在城東其城西故道水可徒涉至是自淀流河南下徙由城西

英宗後紀天順元年割民墾地於衛所灤州妖

人唐興伏誅按興初為府吏得妖術聚眾謀作亂捕而誅之

武宗正德七年復革稅課局

世宗嘉靖二十六年初祀名宦鄉賢

二十九年秋蒙古寇邊至灤河東岸初設薊遼提督

三十年改薊遼提督為總督

四十二年調民壯充遵化鎮兵

穆宗隆慶元年秋九月己巳蒙古土蠻十萬人

沙嶺羅漢洞掠永平撫寧樂亭各縣衛屯社時有

猛呵賴者渡灤河州人獲之

神宗萬歷元年派遵化建昌等軍營於清灤海

口防守時派遵化輜重營官軍一千七百三十員名于清河四口防守派建昌車營

官軍九百七十二員名于灤河口防守派河南車營官軍三千員于胡林庄暨昌黎等口防守

為備倭也

熹宗天啓元年設海運通判通海運詳見海運

莊烈帝崇禎三年春正月甲申

本朝兵取永平戊子入灤州知州楊燦死之夏四

月詔起原任按察使兵備道張春為監軍駐樂

亭五月復灤州

十四年設屯田道駐灤州時設陸軍車兵二營
自本縣銀夯柳起運

漕糧至
永豐倉

十七年春三月流賊李自成犯京師詔總兵吳

三桂入援盡撤遼民入關分駐昌黎樂亭灤州

開平等處時本縣駐沙後
所兵民數千家

本朝按本朝廟號理宜敬慎不便褻書
且近事人所共知因止以年為紀

順治元年夏四月攝政王帥師入關時兵分三
路平西伯

吳三桂為前鋒力戰破賊七秋七月
營王帥乘之殲賊於紅花店

世祖章皇帝入關駐蹕永平城撫安各州縣

三年命兵部郝璧來圍民田給旗丁以各衛屯

田補民

四年春再圍民田人戶投充英
裕二王者半

七年詔釋英王投充人戶歸籍為民

康熙六年以任邱縣民地一百三十六頃一十

五畝零補民圈地 尋以民不願受補仍歸任邱縣

十一年冬十一月土寇劫城駐防把總陳柱國

戰死之知縣于于永禎被執不屈死乃改馬頭

營守備移駐城中

時知縣于成龍奉委公出在郡

二十一年 詔免地丁錢糧

二十四年 詔免未完民欠銀米草束

二十五年 詔免未完民欠錢糧

二十六年 詔免地丁錢糧

二十七年 詔賞老人銀米絹肉有差

二十九年 詔免錢糧之半

三十三年 詔免地丁錢糧

三十五年 詔免地丁錢糧

四十二年 詔賞老人銀米絹肉有差

四十八年 詔賞老人銀米絹肉有差

五十年 詔免地丁錢糧并積年民欠

五十二年 詔免地租並積年民欠

五十四年 詔免順天永平保定河間宣化五

府地丁銀米豆穀草束

五十六年 詔免地丁錢糧

雍正七年 詔免地丁錢糧

八年 詔免地丁錢糧

九年 詔免地丁錢糧

乾隆三年裁山海衛改設臨榆縣撥歸衛地於

近縣

內撥歸本縣庄凡一十八地畝凡六十五頃五十八畝五分零

十五年 詔免未完民欠銀米草束賞老婦有差

十六年 詔賞老人銀米絹肉有差

沿革

郡國并分代有異同顧中外互衡山川紛錯未
有如永諸屬之甚者也三代以上幽冀青營博
如馬孔人有異論洎乎漢唐石趙慕容紛紛割
據有同碁局五代之季淪於遼金載籍雖存辯
析罕當亦不足以爲典要又况縣治荆于大定
前此之名蓋所謂捕風而捉影者也元凱注經
多云地闕酈侯釋水每日靡詳今姑就古昔所
沿傳者次而書之而各著疑義於其下以資後

之君子博攷焉

唐虞

舊志唐屬冀州虞屬幽州

按禹貢九州疏云堯時青州當越海而有遼東
舜典肇十有二州傳云禹治水之後舜分冀州
自魏水以北為并州醫無閭之地為幽州碣石
以東接青州之北為營州然則永平諸屬於唐
不盡屬冀於虞不盡屬幽也詳具世紀編高誘
淮南
子註古之幽州
在鴈門以北

夏

舊志夏仍屬冀州

按禹貢諸州各表名山大川為封限於冀獨否
所以尊京師也顧冀之疆域最濶三代以上之
載籍復闕所謂邑屬冀者亦依約存之耳非有
實據也若依馬孔之說亦未有以見其必為冀
也

商

舊志商屬孤竹國

按漢書地理志令支下有孤竹城今遷安地魏書地形志肥如下有孤竹山祠今盧龍地倘以邑之疆界亦孤竹是其封域已兼數百里古之諸侯未便有此也若遼史載中興府本古孤竹國畿輔通志載灤州本古孤竹國則是東北出柳城五百餘里西南徑渤海三百餘里封域且千有餘里恐非篤論大抵孤竹之地以漢書令支爲最確若邑本盧龍屬地三古以上土濶人稀因並屬之當亦不謬至府舊志引爾雅孤竹北戶以孤竹爲北荒之總名則郭建初之論詳矣

周

舊志周屬燕幽州仍孤竹國

按史記武王十三年封召公奭於燕東北邊上谷至於遼東則是地宜屬燕又按左傳管仲言齊先公賜履北至於無棣京相璠曰無棣在遼西孤竹地則是地宜屬齊於燕者爲幽州於齊者爲青州二說不當偏廢也更景王十五年晉

滅肥肥子奔燕燕封之於遼西則是景王以後
更有肥國焉此後代肥如之說所由昉也乃若
孤竹之後僅見於國語其傳國久遠皆不可攷
未可以臆說斷之也詳具史紀編

秦

舊志屬右北平

按史記燕築長城自造陽至襄平置上谷漁陽
右北平遼東遼西五郡此燕東諸郡名之所始
也顧秦漢之初右北平郡統縣十六治平剛遼

西郡統縣十四治且慮雖有互淆要未省併乃
舊志於漢云屬遼西郡海陽縣地於秦復曰右
北平不既矛盾耶

兩漢 魏附

舊志漢屬遼西為海陽縣地魏因之

按海陽之說以漢書水經註攷之似於此地稍
準然諸史所稱海陽亦有名是而實非者當詳
攷之稽魏書地形志海陽下有橫山新婦山而
漢無之是魏海陽非漢海陽也遼史地理志海

陽隸隰州平海軍而魏屬遼西是遼海陽又非
魏海陽也大抵此地入漢初屬海陽迨太初以
後武帝徙烏桓於內地壤土割裂浸尋變易至
於桓帝延熹九年鮮卑分右北平以東至遼東
爲東部靈帝中平四年烏桓大人邱力居率衆
五千餘落居遼西可汗魯王烏延率衆八百餘
落居右北平馴至公孫度叛于遼東越海收東
萊諸縣自立爲遼東侯平州牧僭國數世至魏
景初二年晉高祖平公孫淵世祖又分幽州爲

平州其紛紛變易幾不可識矣

又存疑一條漢書渤海郡臨樂下註曰侯國莽
曰樂亭蓋元始四年王莽更郡縣爲亭以應符
命也東漢以後轉爲樂安或隸北海或隸漁陽
晉書載紀曰樂安鎮水經註曰樂安亭要皆幽
之東南青之東北瀕海之區渤碣之地也是欲
求斯地之封域定斯地之沿革將舍此奚適矣
乃從來作志者概不之及知樂安之近海而隸
于青州則分青州之海與遼西之海爲一知樂

安之適濡而隸于檀州則分白檀之濡與肥如
之濡爲二分離乖隔爲害甚矣茲欲悉去舊說
恐蹈武斷之嫌欲因襲前聞又滋騎牆之誤爰
存舊志所載而附其所見於此

西晉

舊志闕

按魏明帝景初二年晉高祖平公孫淵至世祖
泰始十年分幽州置平州晉書地理志遼西海
陽下不著封表未知卽係舊地否顧自泰始後

中間無事者數十年耳大康六年鮮卑慕容廆
寇遼西大安二年鮮卑段務勿塵據有遼西之
地自是以後趙王虎僭據數十年滅於慕容雋
雋僭數十年滅於苻堅堅僭據數十年滅於慕
容垂終晉之世紛紛戰場矣
又按穆帝永和元
年趙將鄧恒將兵
數萬屯樂安城說者以爲此
地是當年已廢縣爲鎮矣

北朝

舊志闕

按斯地於魏竊以爲地志不足憑當於土地記

水經注攷之按水經注云濡古樂字水又東經牧

城南分爲二水北水枝出世謂之小濡水東逕

樂安亭北東南入海土地記云濡水東南流逕

樂安亭東與新河故瀆合按之當今水道所謂

樂安亭正屬縣治也 又按前古建置魏最繁

多齊顯祖天保七年省遼西郡及海陽入肥如

說者以邑爲肥如然肥如本盧龍正封邑以樂

安亭屬焉耳非肥如爲縣治也至若宇文周之

世邑則領於高寶寧固無所沿革矣詳具世紀

隋

舊志隋屬盧龍

按隋以開皇三年平高寶寧六年省肥如入新

昌十八年改名盧龍疑安樂鎮應並隸此舊志

與史文合當屬不謬然縣治始屬北平而不屬

諸遼西矣

唐

舊志唐屬馬城

按唐書馬城下本古海陽地舊志用此爲牽合

遂謂邑屬馬城抑知志稱海陽屬有千金冶茂鄉鎮等項當屬魏海陽非漢海陽也應爲縣之西北境近遷安地非正封也然唐自安史亂後尋爲籓鎮河北諸道最稱跋扈則土壤淪沒亦難以質實言之

遼

舊志遼於今治置樂安鎮仍屬馬城

按遼以後唐同光元年克有茲地稽遼史海陽馬城並置海陽隸熙州馬城隸灤州當以馬城

爲確然樂安鎮從古有之晉書載記趙王虎渠船萬艘通海運於樂安城水經注滹水東南流逕樂安亭南與新河故瀆合是晉魏世已然非遼置也更遼太祖天贊二年以定州俘戶置望都縣今縣中古蹟猶存當亦縣之北境也

金

舊志金大定末於樂安鎮置樂亭縣

按縣之建置金史地志無明文稽學宮舊碣樂亭李杭以天會四年登金進士五年建學是天

會間已建學不應大定時始置縣矣計天會至
大定中間尚隔皇統正隆二紀二十餘年舊志
之誤不察可知更所云樂亭之縣於時始置恐
亦未核詳已具於存疑篇矣

元

舊志元至元元年於樂亭縣置溟州是爲東溟
至元四年仍爲樂亭縣屬平灤路後改平灤路
爲永平路

按元志至元二年復置義豐縣始以石城改入

樂亭縣志卷二

志

樂亭縣志

樂亭縣志

卷之二

五

樂亭縣志卷之二

